

安化縣志卷二十四

人物

忠義

明

賀興隆

黃元璋

夏元宗

吳永揚

王以文

張永定

張永哲

董八郎

黃玉環

李從化

義信

義方

國朝

袁義民

張功嘯

張永治

趙

璘

鄧呂連

冬祖

李成

劉凝俊

蔣文斌

陶容山

吳能舉

吳殷

吳定保

吳慶陞

李宗謨

傅承雲

熊國高

龍應朝

安化縣志

卷二十四

忠義

一

鄔桂芳

謝鴻禧

鄔遠正

吳光宗

李登高

胡迪堂

梁治玳

劉琬

梁碩釗

王永桂

朱高

陶壩

賀興隆

常豐鄉

初名清塘鄉

人元至正十三年湖湘亂興

隆與陳源隆姚廷曙等率子弟保鎮安砦鄉有警輒

往禦之縣境以安二十年陳友諒兵起以興隆為參

軍二十四年太祖取湖南興隆率眾歸明仍予故官

從左相國徐達取辰州降沅州諸郡皆有功二十五

年正月從總制胡海克寶慶路獲元元帥唐隆道率

眾守其城授寶慶衛指揮同知六月攻元湖廣行省

右丞周文貴於中鄉死之文貴者友諒右丞也初守

湘鄉明將張斌取湘鄉文貴走邵陽中鄉元平章阿  
思霸招之遂降元興隆率兵攻之與文貴遇興隆以  
兵衝其前鋒文貴圍之後援不至力戰死事聞贈湖  
廣等處行中書省參知政事立祠寶慶命有司設祭  
以六月六日戰沒之日也成化時李東陽爲之作傳  
詳事略報一統志乃國家通志附明太祖贈興隆勅崇德  
忠治世尙且推恩創業尤當謹禮今寶慶衛指揮同  
知賀興隆稱兵於邊鄙受款於明廷誓爲湖湘萬里  
之長城力抵溪洞八蠻之生界唐兵未出睢陽之移勢  
已孤智伯漸強晉陽之城已浸首雖可折心乃不  
惜未受大國之封而遽見長星之墜宜頒寵命以慰  
陰靈可贈湖廣等處行中書省參知政事九泉有知  
服此無斃宜令准此故敕

黃元璋字子里一都龍塘人狀貌奇偉身長九尺元

安化縣志

卷二十四

忠義

二

至正二十四年從明太祖征伐有功洪武二年授總  
理軍兵指揮使征麻陽篁子苗領兵過桃源燕子巖  
手書峭壁奇觀四大字鑄於懸巖後被困身受九創  
十八矢重經此地題七絕云洪武開基至二年單刀  
匹馬去征邊燕子巖前曾歇馬石人爲伴振弓弦投  
筆伏刃而沒土人壯其節瘞諸山右號黃將軍墓鑄  
詩及官銜年月於石其戰馬銜甲衣歸血跡宛然家  
人知已殉難覓之不得招魂葬之舊志黃氏家譜  
夏元宗五都人正德十四年鎮溪賊入縣境元宗叔  
父潮源率兵禦賊被射死元宗挺身赴難被執罵賊  
不絕口賊殺之剖其腹實以亂石通志

吳永揚常安鄉人正德十六年率鄉兵禦賊被創猶奮力追捕獲賊首歸至珠梅而卒

通志

王以文一都人嘉靖三年賊劫鄉里以文率鄉兵勦捕手刃五賊賊敗乘勢追逐賊邀擊被殺姪用器奮身赴敵亦遇害知縣鄒山齡祭之曰伯父有恤鄰之義猶子盡顧親之孝一舉兩得人情所難

府志

張永定歸化鄉人嘉靖五年十二都賊亂永定率兵勦之賊設伏邀擊眾潰永定死之子環來援亦被害署縣事黃桂華祭之曰父以義殞子以親捐舍生取義父子兩全

府志

張永哲永定弟嘉靖十二年新化賊入境永哲率族

安化縣志

卷二十四

忠義

三

人張軌張蘭張奎等禦之弗克死者一門數十人知縣劉漢祭之曰戰窮而死萬古有譽較諸貪生超然

獨步

府志

董八郎歸化鄉仙溪人崇禎壬午土寇劫縣八郎伯父冰鑑率眾禦之沒於陳八郎挺身赴救擊殺數人被創死知縣黨哲以義勇褒之立碑花橋

通志

黃玉環一都洞口灣人績學能文慷慨仗大義崇禎末逃兵竄境內男女盡避玉環獨坐堂中手揮白扇與兵舌戰兵辭窮而退分毫不擾屋右里許麥熟兵縱馬蠶食又追而斥之兵卽收馬去適里一人在逃列謂不殺環吾無以歸兵乃返圍玉環屋燒之玉環

坐斃尸灰不散生氣盎然黃氏家譜

李從化李義信李義方一都長樂李白文僕也流賊掠縣境經長樂村從化等恐傷其主挾利刃禦賊皆死於難白文得免知縣黨哲爲立忠勇碑表於青龍

溪通志

袁義民四都人鄧天祚之佃民也明季奸人乘亂爲暴天祚族人眞伯縛天祚父如奎沈之河而奪其產時天祚甫五歲義民竊負而逃與妻李鞠養甚謹鼎定後擇師課之及成立爲訴於官鞠實抵眞伯罪產得還通志國朝以

張功嘯一都三洲人順治初賊兵入境擄掠民家功

安化縣志

卷二十四

忠義

四

嘯督鄉勇追至二都聚龍山連戰不休賊勢潰境賴以安功嘯不勝傷而死童叟皆爲墮淚周志

張永治字昇平一都三洲人幼時被吳逆黨擄去誓死不降拔佩刀將自刎賊義而釋之歸家苦志躬耕

惟以節義勗其孫子周志

趙璘二都人武生嘉慶元年以事至湖北鄖陽值教匪不靖璘率鄉勇勦禦有功授職千總尋以後援不繼沒於陳事聞卹賞如例祀湖南昭忠祠又有鄉勇鄧連呂冬祖李成李蛟征勦苗匪陳亡嘉慶八年入

祀昭忠祠通志

劉凝俊號石渠一都人屢試文場不售去學射由武

生入撫標左營道光己酉舉武鄉試咸豐二年粵匪竄長沙同邑羅文僖繞典時督辦南省防務初城中兵不滿二千賊晝夜環攻凝俊登陴堵禦城圯却敵者再力守八十餘日圍解以藍翎千總補用及賊渡洞庭陷武昌從羅駐堵襄陽是時土匪郭大安楊連科乘機爲亂凝俊隨營擊平之補授益陽汛千總接署湘潭守備五年賊據鄂城胡文忠林翼時巡撫湖北聞凝俊能札招安勇赴鄂救援遇賊於漢陽之鸚鵡洲率勇直衝殺賊無數賊敗走凝俊乘勝以五百人渡江而東追至鮎魚套賊大股出城以尾包重襲凝俊自辰至午兵盡矢窮就擒死林翼上其事

安化縣志

卷二十四

忠義

五

賜卹如例世襲雲騎尉襲次完時恩騎尉罔替是年湖北陣亡者候選從九蔣文斌加鑾儀衛經歷銜世襲雲騎尉

陶容山歸化鄉九渡水人年八歲隨父徙居益陽桃花江幼好學及長歸赴縣試屢敗童子軍閒覽青鳥葬經諸書好談山水諳形勝及奇門遁甲之術課驗應如響家甚貧妻紡績佐讀久之文不售畏約無已時促夫從軍咸豐四年秋曾文正國藩時統領楚軍扎委赴湖北辦理營務數月給六品軍功鬱鬱歸歷春徂夏屢卜軍中事不祥妻不解促駕如故臨行檢衣冠囑家人曰倘有不測吾得死軍事快甚異日招

魂殮此附棺其勿失九月勦賊至蒲圻縣遇伏不戒就擒死之家中遵所囑以葬事未上聞莫邀卹賞論者惜之是時六品軍功先後著節者咸豐四年江西九江府陣亡則有吳能舉殷定釗湖南岳州府陣亡則有羅能舉五年湖北漢陽府陣亡則有吳定保七年河南六安州陣亡則有吳慶陞均卹如例

李宗謨字虞三一字枚臣常豐鄉城西人性堅定遇事敢爲爲諸生刻苦力學道光辛巳舉於鄉九度公車赴南宮不利咸豐二年壬子揀發浙江知縣抵省委辦浙城防堵昕夕巡警城團肅清大吏稱之曰能癸丑任台州太平縣知縣適淫雨爲災歲大荒宗謨

親詣四鄉督公正紳士稽查戶口捐金倡賑救活無算邑有漏網積痞大鹿小鹿等久爲民患至是乘災倡亂宗謨不動聲色會同營汛密商團紳親入虎穴遂將巨魁擒戮解散脅從千數越明年海溢民情洶洶復盡心賑貸民困以蘇當是時石塘艇匪聚眾搶掠宗謨帶勇直搗賊巢屢瀕於危擒得要犯數十名斬之地方安謐丁巳調任嘉興府石門縣知縣衝繁要道兵差絡繹不絕履任籌辦防堵事甫定奉調入簾分房校閱揭曉所拔皆名士場畢回任逆匪逼近練勇防備晝夜無片刻暇次年二月杭城陷距縣僅九十里警急防益密三月土匪攻縣宗謨率團勇開

仗殺賊百餘獲賊首殺之眾遂散四月禾城陷賊日  
猖獗提督張良玉駐紮語溪七月二十三良玉失利  
退回石門二十五日賊大股犯縣良玉偵知已先夜  
棄營回省矣宗謨僅率團勇百餘人登北城防禦賊  
至梯鈎蟻附苦戰不退城陷宗謨具衣冠北向謝恩  
者再賊執之臨以利刃口罵賊不止遂遇害巡撫王  
有齡會同前將軍瑞昌入奏照知府陣亡例

賜卹世襲雲騎尉襲次完時恩騎尉罔替給全葬銀二百  
兩一次致祭銀十二兩入祀京師及湖南昭忠祠後  
石門士民徐光祥等痛宗謨殉難之苦呈請浙江巡  
撫馬新貽奏准於陣亡及原籍地方建立專祠其同

安化縣志

卷二十四

忠義

七

時被難之幕友夏巍堂家丁沈于福一併附祀  
傳承雲常豐鄉五里牌人咸豐五年入營湖北巡撫  
陶以承雲勇給六品軍功六年補把總保加藍翎七  
年克復奉新縣以千總儘先補用克復江南瑞州府  
城擢守備加都司銜克復撫州崇仁等處擢都司轉  
花翎九年三月進攻景德鎮加遊擊銜五月進攻西  
瓜洲連戰三日夜中礮死奉

旨照遊擊例議卹給銀四百兩子陶勲世襲雲騎尉襲次  
完時恩騎尉罔替承雲爲人有膽負氣拳力勝數人  
常遇賊數十萬矢石如雨下爭奮出爲之陷陣當其  
乘勝追勦一晝一夜行三百餘里至整隊而前兵弁

皆無人色承雲勇氣不少挫至是陣亡主帥惜之軍興以來先後從戎出力著節者咸豐七年藍翎都司熊國高河南六安州陣亡八年藍翎守備龍應朝江西陣亡外委龍柯雲安徽三河鎮陣亡同治元年花翎守備羅泗勝金陵陣亡二年花翎副將加總兵銜鄔桂芳謝鴻禧攻破九洑洲陣亡守備鄔遠正吳光玉安徽甯國陣亡把總加五品軍功李登高盧其光金陵陣亡外委蕭勝雲千總龍先勝六品藍翎鄧思宗陝西陣亡藍翎守備吳定高湖北鄖陽府鄖西縣陣亡三年花翎參將胡迪堂江西撫州文昌橋陣亡均襲爵詳世職表

梁治玳字海珊常安鄉藍田人幼爲文清勁屢試不遇咸豐九年己未粵匪竄寶慶巡撫李續宜督師征勦道藍田與語奇其才破賊後隨營赴鄂下潛山越太湖解桐城圍克復德安孝感諸郡縣奏保主簿旋以母病歸省未逾年知府梁碩釗督師楚北札調入營帥勇收復南陽追賊至鄖西抵上津斬首無算捻匪膽寒會歲除大雪策賊必遁以偏師直逼賊壘賊夜蠡出遂被執不屈死次日賊果遁覓屍營葬貌尙如生未幾碩釗亦卸事殉難始末不及上聞時論惜之

劉琬字佐清一字甫臣常安鄉人直隸州先緒季子

也敦品力學能文章不遇絕意科名咸豐己未賊竄寶郡藩司蕭啓江聘襄戎幕自楚而粵而鄂而秦上下轉戰數千里持重深沉歷著戎績以州牧擢用越同治丙寅軍陝西賊熾包襲督軍者死焉琬憤極率卒千餘冒雪血戰追至灞橋奮殺數千級賊少却繼而大股蠡集團數重琬自朝至昃身被十餘創人馬俱困遂被執賊脅之降罵不絕口死時冬月十八日也年四十九陝西巡撫劉典上其事

賜卹如例給雲騎尉世職襲次完時恩騎尉罔替逾年其軍弁齎行篋歸里檢出其致兄盛奎永訣書有詩禮傳家文章報國八字遺囑其後人云云此亦足以想

安化縣志

卷二十四

忠義

九

見其梗概矣

梁碩釗字海舲常安鄉人夙負大志入邑庠屢試不第殊耿耿也粵匪竄擾東南咸豐八年藩司蕭啟江一見以將才奇之邀赴豫章襄辦湘果營務遂有南安之捷奏保教諭九年賊竄寶慶知府劉嶽昭帥師往援以碩釗戎績懋著札調隨征圍解以藍翎知縣選用十年隨劉克復廣西富川縣賀縣以同知選用十一年克復湖北隨州同治元年克復來鳳縣城以知府選用轉花翎當是時大湖南北一律肅清嶽昭每報捷上其功而碩釗猶以川江未平滇黔多故色蹙如也是年隨劉入蜀解涪州綦江圍克復長甯縣

加道銜三年由川援黔克復仁懷綏陽正安州以道員儘先補用六年嶽昭督辦雲南全省軍務碩釗仍從九月督師攻克平遠縣牛場壘苗巨股勞瘁卒於軍碩釗生平小心謹慎贊助軍謀約十年拊循士卒如骨肉卒之日軍中痛哭扶櫬歸滇黔士民遮道焚香多灑淚者事聞

賜卹如例加贈光祿寺卿銜廕一子入監六月期滿以知縣銓選

王永桂歸化鄉東梅人咸豐六年投威毅伯曾國荃吉中營臨陣勦賊稱軍鋒疊擢至遊擊克復安慶府城以參將補用由藍翎轉花翎夜攻破金陵雨花臺

安化縣志

卷二十四

忠義

十

加總兵銜賞智勇巴圖魯同治三年克復江甯省城加提督銜六年國荃任湖北巡撫三月擒匪竄境札調永桂率五百人堵勦應城遂遇害事上聞

賜卹如例世襲雲騎尉襲次完時恩騎尉罔替永桂貌清秀臨機應變多智謀善走頃刻十里能追拾奔馬尾有朱高陞者家貧幼傭工舅氏家年二十從永桂投湘後營三年克復金陵陣亡

陶堦字若谷常豐鄉人隸郡學生同治三年從戎委辦安徽六安州糧臺總理星明及肅清皖北巡撫喬奏保教諭五年隨藩司蔣凝學入甘仍理糧臺勤勞著績保陞通判加鹽提舉銜六年賊陷安定縣城以

不屈被害死時陝甘總督穆上其事加  
贈道銜照四品官以下陣亡例

賜卹世襲雲騎尉襲次完時恩騎尉罔替墮性耿介崖岸  
自立隸學後鄉居鬱鬱不得志遂仗劍入營期効力  
疆場立功邊郵一吐其不平之氣至是陣亡無論識  
與不識皆為之垂涕

孝友

宋

盧元亮

明

李廷玠

張立貴

張環

陳關

安化縣志

卷二十四

孝友

十一

李維基

姜用文

羅紀

李志瓊

曾孫  
逢棠

陶膺祖

吳士奇

張承縉

國朝

張漢捷

盛有智

姪志  
道

何世臺

何世堅

何世塾

李泚

殷輅

轍

熊才鴻

才游

吳明文

李成相

唐世元

吳德仁

蔣顯銘

李必壽

陶必發

吳世榮

周燦

譚文洪

周啟倫

子濤

劉卓英

周念邦

念漢

姜逢時

逢理  
和清

逢盛

戴大智

夏良性

何昌源

植子茂

蕭治安

吳汝能

袁蓋梅

喻惠蒼

譚思表

李起廉

王 汲

周啟邵

阮景生

楊文煜

姚來選

鈞

劉德全

易開蘭

甯十五

殷安全

劉龍光

譚世儒

譚世麟

譚興武

孫能  
紳

劉德是

昭燭  
先熹

譚興讓

張英班

周勝  
廟

蕭來鵬

殷奇  
宛

蔡煌

譚廉介

殷啟  
周宗

王崇槐

陳登榮

劉昭  
洞

譚一緘

劉昭瓏

吳世裔

鍾治賢

吳世義

譚鍾質

吳大祥

梁崇堂

廖時乘

吳世奇

歐陽嗣

張英崇

子裔元  
裔倬

張凝祥

龍欲圓

張衡

廖明卿

李任長

廖章蘇

李高瑚

李志善

弟志  
勃

王平政

王平珍

蕭任仁

安化縣志

卷二十四 孝友

十二

李志選

黃士誠

黃甯綬

劉 瀛

李代行

代靖  
代祥

黃甯湯

甯祿

蕭學發

學典

黃甯篆

蕭學軾

蕭學洋

黃 琮

黃明渾

明鑰

哲  
時章

王仁和

劉祿星

王仁桂

弟朝  
仁

王 佐

黃時介

時賢

賀志進

李發義

發中

陶孝忠

王 燾

王 昺

賀孝大

弟孝  
元

黃時發

陶必鑲

蕭依京

陶必全

黃崇廣

蔡用秀

王可梓

王可遵

譚光德

譚世儒

劉洪浩

李興恆

陳應翰

楊德楷

李隆祥

丁忠國

黃德墀

李隆瑛

蕭忠託

黃德準

王均 夏汝英 夏思昊 王璜修

王大愷 王成圭 瞿業任 王成講

王文楷 李以卓以位 楊應慈厚瑛 夏益謨

王志清 夏德孚 羅鎮蕙 張尙欽

張裔鴻 張裔崇子傳綱 傳纁 廖安俸邦邦直

謝有鷗 吳榮琮 湛益恭益祈 安理

湛益高子安 湛卿尊弟廷 龔侯啟章 鄧天文添社

龔勝凡彭正儀 彭海鰲 鄧延韓 龔元鑑

鄧延良弟延讓 夏重嶽 夏廷輝 夏良徹

夏重冕

盧元亮二都人積學能文操行純固兄弟九人元亮

安化縣志 卷二十四 孝友 十三

居長盡以財產分給諸弟纖毫無所取友于之

於百世祀鄉賢一統志

李廷玠常豐鄉人父鑑自有傳見先達廷玠少能詩

不樂仕進母周氏疾刲股以療通志

張立貴字士良常豐鄉人廩生生有至性事父敏洪

以孝聞正德時江南甯王宸濠為變王守仁平之羽

書未上武宗下詔親征軍務旁午敏洪因餽餉違限

立貴恐父及難赴縣請代提官不允扭敏洪至五里

牌拏耙嶺提官怒命差胥羈留立貴驅敏洪前行立

貴起望不見一慟而絕眾扛其屍重不能舉遂葬官

道旁及宸濠事定敏洪亦無恙而歸鄰里呈報各大

吏飭營墓立石表曰明故張孝子之墓

國朝雍正四年奉旌

冊採

張環歸化鄉人嘉靖五年父永定率眾捕賊會賊眾據險遇害環仰天號泣誓報父仇單騎衝賊陣揮淚血戰身中數十鎗而死

志府

陳關常豐鄉人性至孝母病思肉食時禱雨禁屠關割股以進母尋愈事聞表其門

志通

李維基常豐鄉人家貧兄維肇病足維基力田事母兄病革醫謂食糞可愈乃調糞自嘗始進兄卒痛哭

至咯血

志通

姜用文字載道常豐鄉人與弟用章友愛根於天性

安化縣志

卷二十四

孝友

十四

出必連袂寢必同衾歷久不衰後官崔慶經歷所得俸金分諸從子士林重之

志府

羅紀三都人讀書能詩怡情山水每扁舟出游以經史自隨與弟纓繪友愛篤至

志府

李志瓊字樹仙常豐鄉官溪人幼失怙兄志璽撫之成立家產約數萬金志璽沒有子五志瓊與諸姪均分之遠近服其讓志瓊二次與鄉飲年九十終子鳳陽鳳儀隸於學孫日行嘗憐師窘奉以膳田二十畝

周志曾孫逢棠一歲失恃事繼母如所生堂姪某貧爲

授室給以資產又嘗捐修各處橋路全人伉儷臨終出所負券悉焚之

志府

陶膺祖字孝先初姓賀常豐鄉柳林人父承賁官鎮安知縣膺祖七歲隨父之任苦志鑽研融會經史弱冠補博士弟子員膺祖事親孝每事必請命而行親沒啜粥三年事死如生涕泣聲至人不忍聞生平急公好義邑創修縣署大堂改建學宮不惜捐重貲有家貧賣妻徙川者膺祖予金五十兩田數十畝全其婚子孫繁盛列膠庠者十八人年八十五終

舊志

吳士奇字仙友歸化鄉人父正國字順宇家室蕭然一經傳後里中老學究也士奇趨庭受訓以左右養隸諸生其父督責不稍寬遂領崇禎間拔貢是時肄業麓山見秋風落木慨然有白雲親舍之感即日買

安化縣志

卷二十四

孝友

十五

舟歸養終身不復出

周志

張承縉豐樂鄉大範人尙血性才力亦復倜儻不羣值湘鄉天王寺賊蠡聚肆掠入境擄其嫡母顏氏而去承縉自外聞奮身追十餘里至賊環爲營號泣衝入賊壘賊刀其額血流及頸不顧不拭賊憐其情乃釋其母承縉負而歸家一仆遂絕久乃蘇適有良藥

醫傷得無死

採冊

張漢捷

舊志漏漢字

字天如常豐鄉五里牌人增廣生員

事父母曲盡孝道兄弟俱亡獨力奉養能得二人歡心撫育遺姪視如己子後析產田宅擇肥饒者與之生平勵學敦品養高自重足跡不履公庭教授生徒

從之遊者率皆禮義自守子二克讀父書年八十四

終府志國朝以

盛有智字臨川常豐鄉城東人事母篤孝兄有德有義遠宦有仁有廉隸於庠頻年力學有智獨任家事無私積後析產有智自取瘠薄田膏腴悉讓諸兄有佃某負租百餘石欲以子質有智憫之免其租更與之穀佃賴以生姪志道字序五有德子也中康熙五十六年舉人養高不仕家居奉母母病志道禱於神願減己算以益母年母旋愈壽至九十二人以爲孝

感周志

何世臺字極瞻一字筆山常豐鄉城南人徙歸化鄉

安化縣志

卷二十四

孝友

十六

七里橋尋徙三里橋增廣弟子員少失恃事繼母維謹父沒時世臺年未冠守禮三年面深墨未嘗見笑容戶庭外無足跡繼母沒亦如之服闋守終身憂逢父母生忌日先日就宿外寢衣素袍朝夕涕泣上食至老不衰世臺有弟三季世璽應試學使院附學籍卒於省寓無子世臺大慟迎喪歸欲爲立後格於家變不果世臺心隱恫久之兄弟析產爲世璽存田一區擇佃守墓又以其租息遇公舉捐助邑魁星閣輸緡錢百四十餘貫署世璽捐不沒其名示世璽無子有子世臺祖祥雯縣之好義人也獨費數千金修城東關外福安橋萬趾時相錯橋或少圯斷港絕航問

津者輒嗟無渡世臺悉其苦每春夏洪水泛漲雖中夜必起具衣冠焚香祝天祈橋無恙方居城南時夏大水探者報水至橋已盈板矣世臺奔往拈瓣香跪橋上仰天呼曰橋去我去俄有紅光熒熒繞橋者再水遂頓退世臺爲人嚴氣正性遠女色弱冠時徵租至佃莊佃有婦來戲世臺正色拒之去旣而思曰此非善地吾不畱此禍子弟也後竟鬻其莊產其他補修福安橋橋旁建關帝廟召佃給租守橋奉香燈繼祖志也倡捐修學宮建大橋置義渡重公舉也與夫施糶全婚焚券不一而足憫窮困也富而好施者爲其一皆足以名世臺若行所無事生平不信淫祀不

安化縣志

卷二十四

孝友

十七

喜浮屠屬續遺言以朱子家禮治喪年八十卒子祿班祿璨均有傳見善行

舊志

何世堅字兼白常豐鄉城南人徙歸化鄉七里橋世臺次弟也庠生母故事繼母如所自出恭兄友弟雍睦無閒言性不善治生產析居後家政悉世臺代摒擋閉戶讀書以遠大自期許連試舉人不售家有一婢年近二八世堅不忍役使爲擇良配備妝奩厚嫁之時以義稱卒年四十二子祿陞庠生授把總職祿

階庠生

周志

何世塾字經一常豐鄉城南人徙歸化鄉七里橋世臺三弟也國子監生少失恃恒以不獲事母爲憾事

繼母曲盡孝敬能得其歡心性好施捐修橋路出貲不吝里有譚姓一家七口患疫家又貧甚世塾裹藥物躬赴診視并給食飲卒得全活佃人楊某負券債將鬻其子世塾立予金代償無德色臨沒前取親朋所負債券悉火之年五十六卒子祿鍾自有傳見善

行

周志

李泚字洛三常豐鄉觀音堂人庠生父早故事母惟謹有兄二泚獨任孝養三十餘年母沒喪葬事亦一身營之不及兩兄也嘗施櫪施義家掩埋道殣爲人胸襟灑落豪放不羈著有邵窩集二卷行世

周志

殷輅字素安常豐鄉城北人優行增廣生父奇挺自

安化縣志

卷二十四

孝友

十八

有傳輅弟軒父鍾愛之輅待軒益厚并率軒善事父輅年六十於親前尙嬰兒戲母病臥榻歲餘輅衣不解帶巾口綸圍之屬雖隆冬必親澣滌不假手他人父母沒依依柩次無稍離居喪三年酷暑未嘗釋衰經生平坐臥不背北不近女色片紙隻字珍惜之必投諸河年七十六終同時有殷轍者字伍蘇城西人輅堂兄弟也少失怙奉母命刻志下帷屢試童子軍不利遂棄去壹意事母與兄析產兄家中落轍獨養母三十餘年時復濟兄困乏家距祖塋六里許每除夕元旦雖淋雨必往泣拜至老不倦待師厚嘗供奉稍拂師意師怒欲辭去轍具衣冠拜畱禮意益加謹

有執友負轍金貧不能償轍不向取并不與家人言轍沒存手訂鈔本數卷皆忠孝格言轍年少輅一歲輅子瑞龍瑞圖轍子瑞世均自有傳

周志

熊才鴻字惠周常豐鄉田心人庠生性友愛兄弟七人同父異母式好無尤昆仲中有排四者曰才游字百川庠生父復楚最鍾愛之復楚隸庠序家頗饒臨沒囑才游曰汝三兄前母出三弟同母生吾死後恐其不能和協汝善處之才游居中持大體略細故兄弟怡怡一堂聚順或偶相詬詈才游一言而平

周志

吳明文字宗五常豐鄉城南人母沒父老多病兄嫂相繼亡遺孤甫數月明文奉親撫姪備極孝慈父故

安化縣志

卷二十四

孝友

十九

教養孤姪成立所置資產多與之又諸父昆弟之貧乏者分金養葬晚年築別墅自娛曰邵窩年七十八衣冠端坐而逝

周志

李成相字宗耀常豐鄉柳林人父逢植初無子撫子成森年八十一始生成相邑令劉个臣有大耄生珠之額成森撫成相如親弟成相事成森如嚴父成森沒成相服喪如禮成相生平遇貧乏輒推解修建橋路不惜重金年八十三卒妻戴氏年八十五易衰服同日端坐而逝人咸異之

周志

唐世元字萬資常豐鄉橫巖頭人少失恃稍長失怙繼母周氏無子誓爲尼世元號泣諫不止母感之於

宅近構茅菴世元有田百畝租入悉以奉母母性好  
潔不以宿水烹茶有井離菴約里許世元披星往汲  
平旦而歸數十年承順無違里中欲以孝舉世元力  
辭乃已周志

吳德仁字一元常豐鄉城南人兄弟五父道鄉廣西  
典史早故德仁事孀母曲盡孝養祖遺資產悉分諸  
弟又爲諸弟授室不時解推待姪如子年六十七端  
坐而逝妻王氏體德仁志姑年九十奉養無違周志

蔣顯銘字宇安常豐鄉梁乙溪人性孝友不事粉飾  
兄以食指繁議析產顯銘泣跪兄前依依不釋家人

感動五代同堂周志

安化縣志

卷二十四

孝友

二十

李必壽字富友常豐鄉城西人兄弟四必壽居季家  
窘甚奉養無違父沒時遺金百餘兩讓於兄一兄後  
貧謀往陝無貲必壽典己田以錢贈之行又嘗出金  
助執友婚娶者二必壽生平行事爲人所難爲者多

類此周志

陶必發字軻軒常豐鄉柳林人國子監生七歲失怙  
時祖母孀居母氏又寡必發每事遵命惟謹尤以和  
順承之長多幹畧遇善舉必竭力勉爲以無負二世  
守節苦心年六十卒周志

吳世榮字宗耀常豐鄉城西人幼失恃父嬰足疾祖  
母孀居家貧甚世榮力耕奉養有諸弟世榮獨任甘

旨未嘗一言較祖母故父亦旋沒喪葬事亦一身營之尤順事繼母後家裕有貧而將嫁妻者世榮予以緡錢不能娶者代爲完婚嘗道拾遺金守候還其人人以爲難

周志

周燦字映宸常豐鄉城西人歲餘失怙母鄧氏以節著燦遵母訓出反面告動循規矩雖居城市不以一足履公門家貧甚事母委曲將順菽水承歡母亦恒忘其貧人稱孝子年八十一卒

周志

譚文洪字序膠常豐鄉八里潭人父世寬貿遊漢鎮七載文洪家居事母惟謹朝夕禱於神祝父早歸一夜夢父舟將覆有神救之久之父旋里文洪詢之果

安化縣志

卷二十四

孝友

二十一

有其事人以爲孝感

周志

周啟倫字恢緒常豐鄉城西人事親孝田產悉分諸弟家無私財嘗補修望遠橋捐紫雲菴基址年七十五卒子濤字載軒庠生事父母備極色養兄弟六人友愛無閒白首不忍析居生平嗜學寢食俱廢士林

重之

周志

劉卓英一都人徙居縣城父早故家貧養母必備甘旨四弟某愚母愛憐之母終時目不瞑卓英知其意泣告必全弟乃瞑卓英待弟友愛有加弟死哀痛異常借貸備棺衾以葬

周志

周念邦字殿元常豐鄉城南人國子監生少孤事母

惟謹性剛不能容物盛怒時聞母一言卽止弟故無嗣爲撫族姪續之予以貲產於諸父昆弟養葬尤多有周念漢者字安一城東人迎養伯母敬禮諸兄時或詬詈相加念漢辭色不少變又能疏財嘗持券取債負者貧甚念漢憐而焚其券

周志

姜逢時字國贊常豐鄉城西人庠生父早故事母凡事稟命而行或盛怒母叱之卽下氣而跪母卒守制三年足跡不出門外有姜逢理姜逢盛者亦以孝友稱逢理字凌高少失怙家貧伯兄繼亡諸弟幼穉逢理爲授室安家一身當其難無稍怨悔遇貧苦親鄰恆力爲周卹逢盛字漢斗性友愛兄有患難以身代

安化縣志

卷二十四

孝友

二十二

之人以爲難又有姜和清者字光超爲弟完娶不吝私財遇貧寒必周卹之晚年好靜遷居田心嘗倡修謳功橋及鋪坳上大路年八十五終

周志

戴大智常豐鄉人生有至性事親孝兄弟雍睦無間析產後大智家獨豐復合爨終其身無異言大智爲人好施力周人之急里有負欠不能償者大智呼其人至取債券面焚之邑令段汝霖有文表其行

夏良性字與成常豐鄉人少失怙兄亦早故事母先意承順必竭甘旨視孤姪如子鞠養逾於恆情族有兄弟分養薄親者良性婉言化之重本原嘗倡修祖山醮金置墓產歲時展墓賴有資治家守朱柏廬用

純格言日對家人講解不倦尤以篤行爲勉待人厚  
遇冒昧干重典者必極力救解保全甚多年六十一  
卒

何昌源字學淵一字星海常豐鄉田心人諸生父祿  
班自有傳昌源讀書別有神悟旁及天文地理莫不  
精通事父母委曲承順父性嚴稍忤意旨卽阿譴無  
少假昌源色愈怡聲愈柔必得歡心而後已久之父  
亦諒其誠值八旬壽旦以告眾賓且曰今而知昌源  
爲真孝子昌源性好義邑中如城樓塔閣及長郡坐  
棚大西門義渡經當事委囑必極力贊成晚年詩酒  
自娛築羅潭書屋以課子孫年六十卒有詩入資江

安化縣志

卷二十四

孝友

二十三

耆舊集其次子茂植字德門幼穎異讀書過目成誦  
稍長卽自嚴程課朝夕攻苦爲文揮筆立就燦然可  
觀縣府試五列前茅未售以勞憤成瘵疾既彌留口  
占劬勞終莫報同氣復傷情撒手飄然去此身如未  
生四語哀吟嗚咽而逝年二十有七著有德門小草  
未梓

蕭治安常豐鄉橫柏界人家故無業徙居秦地性篤  
孝有兄弟三居家奉母治安欲迎母往兄弟不允治  
安由是年一歸省問罔有懈後母憐其老且遠命三  
年一歸家率爲常其卒也抵家數日適終母喪人以  
爲孝慈相感治安年九十有二妻龔氏亦九十歲子

孫隸陝西興安府平利縣籍其六子成智歲貢生官甘肅鞏昌府通渭縣教諭孫鑑評歲貢生

吳汝能字南瞻常豐鄉城南人少孤家貧事寡母篤孝飲食衣服竭力供職冬寒先臥母榻俟衾溫扶母就寢人勸以薰籠謝曰火氣傷人倘致親病不孝甚夏夜既驅蚊以盥巾拭枕簟舐試鹹否必汗盡乃已母偶不憚卽率妻跪膝前請奉養無狀罪母意或未遽解兩目淚涔涔落徬徨如有所失必母復初而後復初母卒室無所措罄典衣被營喪具既葬藉藁居墓側以哀毀致疾未禫而卒年僅三十有一

袁蓋梅常豐鄉清塘鋪人父載賡故時蓋梅纔一歲

安化縣志

卷二十四

孝友

二十四

母張氏以節旌蓋梅幼讀書及長以母孤苦棄學就養承顏奉色未嘗左右離與人爭至忿甚聞母一呼卽屏息而退家貧與妻子食藜藿必備甘旨進母以母老無可娛時作孩兒狀談讌以爲笑樂老萊子斑衣戲不是過也母年九十五蓋梅亦八十一歲母子均以壽終鄉里稱爲純孝

喻惠蒼常豐鄉山彰江人居父喪廬墓側三年母喪亦如之僅一弟早世三越月舉遺腹子甫五齡弟婦又故惠蒼撫姪成立凡事先姪而後己治家雍睦頻年不聞詬誶聲人以爲至誠所感卒年八十目見五代

譚思表常豐鄉赤山溪人篤於天性父病癰疽以舌舐其汁居喪哀毀骨立兄弟同居摒擋家政數十年無私積析產後思表家獨窘淡如也晚年小康好施與妻周氏能承夫志嘗獨修赤山溪譚周橋

李起廉字寅陔常豐鄉栗林人父榮發諸生家故貧遊學吳楚間每歲暮始攜所獲歸於卒也逾期不返久之杳然起廉時方十五白母欲往尋父母以其年少不允也一日亡出由長沙踪跡至茶陵得之則野葬數月矣起廉守父塋呼天大哭其鄉人哀其志爲釀金贈之乃具衣冠啟殮雇艇扶歸起廉一兄一弟均從戎遠出未幾兄陣歿又未幾弟亦亡起廉往返

數千里兩次迎喪歸故土重趼跣步如尋父時自父與兄相繼死母以鬱結病怔忡起廉謹事之不少懈授徒爲業館近地夜必歸侍母館於遠迎母住館側起廉爲人沈靜寡言笑體弱積勞成疾年甫三十而卒

王汲字引夫一字拔臣常豐鄉松山人父誥自有傳見先達汲生而穎異長遂淹通經史百家弱冠補弟子員隨父桂陽訓導任父有疾湯藥寢興皆躬之衣不解帶者累月母羅氏患氣脹疾汲每夜必侍母榻前抑搔俟母熟睡乃退甚則達旦疾復初則亦復初兄渥早卒未親含殮慟益甚常自誦曰視嫂猶母視

姪猶子汲年方壯夢神示曰汝數止三十五汲異之自是每晨夕焚香默祝天求父母延年已疾并求終事父母同治三年甲子正月父卒十一月母卒連遭兩喪哀毀逾禮形同柴立時年已三十七矣先是福建汀漳龍道朱明亮屢函聘汲參謀三十九歲遊閩次年復得前兆且曰服闋矣如終事之請遂辭歸月餘卒前以桂陽守城功保用訓導所著有悔菴日記日錄讀書雜記聞見集時藝詩古文集各若干卷

周啟邵字師農歸化鄉人康熙己酉貢生選武昌訓導親老不忍遠離故未就初家居十里牌流寇入境擄其幼弟以去啟邵率勇衝入賊隊披靡殺數十人

安化縣志

卷二十四

孝友

二十六

奪弟而歸及弟長家日貧啟邵給己產爲之授室酒闌嘗對弟泣曰此血刀中種子也其友愛有如此聘主邑中書院講席十餘年遊其門者首重敦倫之學年八十二卒所著有東山集

周志

阮景生字龍章歸化鄉九渡水人乾隆間貢生植品高潔孺慕尤深家貧舌耕養親母七旬日必館歸問安與否宅後有大樹半枯常慮傾覆驚母焚香默禱者久之一日風大作景生在館懼甚亟拜樹倏超屋脊墜下而母不知也薄暮歸省水漲橋傾臨河號泣有老人負之而濟登岸不復見夜分念母歸遇虎當道景生叱之搖尾而去人以爲孝感一日省畢歸館

道拾遺金候還其人給謝不受

周志

楊文燧字綺如歸化鄉三里橋人廩生性至孝屢試南北不第母老遂棄舉子業家甚貧館於宅旁歸省無或朝夕間後棄館依膝下左右就養者有年至是母已百齡矣文燧年六十有七忽抱恙慮母憂始猶強作歡笑容久之病篤囑家人曰倘有不測不可令老母知言畢而逝逝三日目不交睫及母知撫棺慰之於皆見淚數行下目乃瞑

周志

姚來選字都華歸化鄉沿巖衝人甫冠食餼痛父早亡常好行其惠祈孀母壽母壽愈高來選廢書左右養釋家奴歸良發券贈貲贍衣食乾隆戊戌歲大荒

安化縣志

卷二十四

孝友

二十七

穀減價平糶更以米粥救流徙飢民無算母年至八十九歲故來選居喪哀毀骨立服未闋卒同鄉姚鈺字鼎元劉德全字粹安均隸於學以孝友稱

周志

易開蘭字馥英歸化鄉新橋人從邑中鄧宏宇游宏宇以理學鳴湘中開蘭尊聞力行尤兢兢於倫常云旋以母病廢書依膝下日侍湯藥如是者三年病愈一日母出倏爲瘋犬所咬百計調治罔效病發狂俗云狂噬人人亦狂舉室無敢近者開蘭朝夕左右養月餘母故廬墓三年時發篋讀書至蓼莪一章終夜悲號近鄰聞之皆淚下服闋應試博一衿人以爲孝行之感

甯十五歸化鄉東山人生十歲而孤母撫之成立既而親老家貧販油供給終歲甘旨不缺母樂甚道光乙巳宿磨刀江夜分水漲數丈江邊十餘家人屋俱沒甯浮沈數十里念母老孤獨隨流號泣不絕聲忽電光中見河柳垂梢攀援乃上岸匍匐行數十步天乍曙回望沿隄樹木無一存者旋至宿所油具尙在負而歸家適母倚閭望望甯來乃大喜及聞浮沈狀母子相泣泣罷仍聞歡笑聲

殷安全歸化鄉大橋人幼失怙母夙膺病飲食起居稍拂意病益劇安全朝夕承志奉旨甘母喜每飯加餐夏夜母寢手持蒲扇立其旁候母涼酣睡乃去冬

夜先母寢身煖被褥及母就寢乃起母大喜不數年病亦愈後以壽終安全廬墓哭聲不絕鄰人不忍聞毀廬勸歸設母靈於家堂出告反面事亡如存居喪未嘗一日間服闋除靈哀號絕粒者四十八日乃卒劉龍光派名光普字德中號海臣歸化鄉九灣頭人監生幼承庭訓日黎明起讀書至三更隨父寢父談論經史時常達旦龍光聽無倦笈游二十年初館傍宅隅歸省無間朝夕繼遠館月一歸省率以爲常每登館及應試涕淚被面依依不忍別屢困童子軍學益力年三十館聞父病黑夜歸匍匐里餘失足墜橋下暈絕良久醒恍惚聞人聲咒其旁起行竟無恙有

光燭前路明如晝至夜已四鼓矣叩門光頓滅家人出視咫尺不相見言及道路事羣驚爲神異父病需良藥離省三百里極兩晝夜往返歸仍躬親調養父憐其勞頓諭止之不肯休是病也龍光衣帶不解者半載父故哭泣之哀弔者皆垂涕營廬墓傍終喪乃毀母年逾七旬性嚴厲怒發竟日不止龍光至愉色婉言母卽轉怒爲笑兄弟三序居季析產後獨依母食息十餘年丁內艱如其父喪後值父母生日忌日茹齋服素致祭家堂號泣拜跪仆地常不能起家人扶之乃畢事事二兄如父事節長嫂如母視諸姪如己子繼大父父志補修大福橋楓林坪義渡甯邑瀉

安化縣志

卷二十四

孝友

二十九

山景澤殿佛相生平性坦白與人無城府晚年閉門課讀所著有日吟錄課幼草醫方合辨諸書

譚世儒常安鄉人庠生性孝友自幼承繼三房事所繼均孝謹與異母弟世魁尤相友愛

志府

譚世麟常安鄉人一歲失怙稍長事母曾氏維謹母沒廬墓三年邑令某高其行爲贊表之年九十卒

志府

譚興武常安鄉人庠生少孤母梁氏家法嚴興武善承母歡母沒廬墓三年不入私室

志府

子仁元乾隆丙

辰舉人自有傳見先達孫能紳監生以兄弟皆家居獨隨父仁元任服勞仁元卒扶襯歸里未幾能紳兄弟相繼逝各遺一孤能紳撫養成立人稱其孝友傳

家周志

劉德是字午添常安鄉人國子監生少孤事節母廖氏委曲承歡母沒廬墓終喪值歲饑發粟以賑凡貸不能償者悉焚其券里中劉昭燭字集之劉先熹字景安父俱早故事節母類皆色養備至至於貸貲濟急與穀周貧無非善體親心於無違者周志

譚興讓字盛典常安鄉人兄興商病久臥牀褥興讓朝夕服勞頻年不稍懈時焚香叩禱願以身代兄沒撫姪成立完娶舉子姪仍故是時姪孫俱幼穉興讓鞠育如己孫人皆頌之周志

張英班字爵祿常安鄉人九歲父故事母維謹母好

安化縣志

卷二十四

孝友

三十

讀書建家塾延師課子英班學日進後赴試離膝下省垣思親淚下不輟遂投筆而歸養母至老里中周勝廟篤於承歡家素封有勸以祿養者勝廟曰親老遠遊非吾願也均嗜詩書其輕功名而重天倫有如

此周志

蕭來鵬字雲飛常安鄉人敦本力學隸諸生縣令聘主邑中講席以母老辭母沒分箸家產財貨悉與諸兄弟自取書笥一肩終歲硯田藉資食用同鄉殷奇宛字章六蔡煌字文黎均補弟子員奇宛敦崇孝友一庭雍睦鄉黨無閒言煌愛親敬長惟敍天倫爲樂事終歲家居不預外務是皆學知務本者周志

譚廉介字憲仁常安鄉人父仁濟病廉介左右侍養湯藥數年未嘗解衣帶父病愈應試隸諸生人以爲孝感同鄉殷啟軻字繼賢事繼母如所生於諸弟友愛甚篤以及王崇槐字裔顯周宗連字世貴皆以孝友稱王則兄弟同爨友愛至老周則終日依膝下孺慕之意老而彌篤年八十卒子孫多砥行不墮者人亦以爲庸德之報

周志

陳登榮字元友常安鄉人家貧未學孝自性生終歲傭工侍奉甘旨未嘗一日缺叔鳳登榮事之如父病臥褥牀者數載滌濯穢污朝夕罔間同鄉劉昭洞字其敬居扶勝教家篤倫理伯叔子弟數十人問安視

安化縣志

卷二十四

孝友

三十一

膳各於父母無異致一室彬彬入其門者不聞詬誶聲其順德所孚有如此

周志

譚一緘字廉中常安鄉人父仁靜性嚴毅一緘曲體之終身未嘗一拂母梁氏年八十病餘昏憤溲便不自知一緘日取污穢簞褥衣裙親濯溪流十年如一日值天寒十指皸瘃僵仆溪側者久之子媳堅請代弗許未二朞而母卒居喪痛哭不絕聲服闋餘哀未盡適七旬戚友強之稱觴談及母放聲大哭舉座輟飲皆淚下

劉昭瓏字鴻莊常安鄉人監生父早見背事節母黃氏得歡心兄弟五齒居長初家貧甚昭瓏服賈養親

歷五省所獲累鉅萬悉以奉母母偶恙昭瓏忘寢食  
夜以繼日焚香願減算益母壽母年至九十六歲卒  
次弟食指較繁析箸時多與過半讓三弟兌田產鬮  
無芥蒂嫌課幼弟讀書十餘年獨撐門戶不以家事  
累訓課諸姪如子後成立均循循順德足爲房族法  
卒年八十九

吳世裔字仲嗣常安鄉人幼讀書體認章句倫理每  
飯不忘中年多病慮貽親憂食少形枯常於膝前作  
歡忭舞蹈狀後病經旬屢瀕於死而親莫之知也親  
沒居喪未嘗露齒弟幼俟成立始分荆膏腴數畝概  
讓之至今鄰里以孝友稱

鍾治賢字質直常安鄉溫塘人性友愛兄弟分爨後  
相繼逝家亦中落撫姪如己子教養完娶十年後姪  
皆衣食粗足治賢亦垂垂老焉病篤時呼姪泣曰兒  
輩皆成立我可告汝父於地下矣遂逝

吳世義字燕山常安鄉牛埠人五歲而孤長聞人談  
父事哽咽失聲淚下不輟母聞之收淚改容轉以他  
事對世義年六十母尙健侍養躬親不遣子姪輩服  
勞一日母病世義亦病病甚於母不能興令家人扶  
近膝旁視湯藥母病頓減食時加餐飯世義喜形於  
色勃然頓足曰病愈矣於是母子皆無恙

譚鍾質字文軒常安鄉人少失怙事繼母李氏朝夕

竭力承歡母教嚴督責常叱之跪鍾質負杖受責跪至終日無怨色及母轉怒爲笑始謝起每號泣私自艾曰事親而至於怒罪也後益承志獨修石龍橋時復施穀濟饑給貲醫病鄰里交口頌之謂李氏有子矣母聞之樂甚後鍾質以得親聞

吳大祥字儉讓常安鄉牛埠人母沒葬於深山叢箐中時有虎巡擾大祥廬於墓夜聞嘯聲輒撫墓曰兒在此母勿驚如是者有年一夕夢母云汝孝心格上帝我自此諸魔不能侵胡不歸次夜夢亦如故鄰人聞而勸之號泣乃還

梁崇堂字雲峯常安鄉人母謝氏教子有賢德聲未

七旬一病體半枯不克運動者十餘年崇堂朝夕左右侍食必親飼服必解衣以及圍牖澣滌未嘗一日不如意母病久不以爲苦也居家有法孫子數十人無挑薄習無詬誶聲下至家犬十餘共食一槽不相爭噬喜美舉凡橋路閣塔修建不惜重貲人謂崇堂敦行於家爲善於里是誠善體親心者

廖時乘字御六豐樂鄉車田人康熙庚子舉於鄉以家貧母老就教職未仕時乘幼時侍祖母疾數旬衣不解帶兄弟友愛人無閒言里有鬻子者倡捐贖之

教授生徒多所成就年七十卒所著有匡山文集府志吳世奇字渭英豐樂鄉人早歲失怙家無餘貲事節

母龔氏甘旨不缺及壯家乃起祖遺田產悉讓二弟  
凡修橋道施茶水及藥餌重貲不惜遵母命也

志府

歐陽嗣字東璧豐樂鄉人庠生性耿直與人寡言笑  
鄰里皆嚴憚之篤於孝行日侍親側婉容愉色奉養  
服勞無不委曲如其親意年六十父母俱存寢門定  
省猶然孺子慕里人翕然欽之謂嗣居家居鄉性情  
如出兩人云

志周

張英崇字人龍豐樂鄉大范人監生父元氣早故事  
節母吳氏先意承志色養俱隆母愛詩書英崇體母  
志延師課子頻年束脩薪水費千金不惜長子裔元  
字廷對詩文書法俱極精工復嫻武藝隸庠生次子

安化縣志

卷二十四

孝友

三十四

裔倬幼聰穎好學及長日博洽後爲邑廩生屢試高  
等益顯揚英崇名人以爲孝報

志周

張凝祥豐樂鄉人父早故母患痰病夜臥不過數刻  
常坐達旦久之目喪明凝祥隨母起坐衣未嘗解帶  
日則醫藥調治傾家貲頻年號泣祈禱已而病愈日  
亦因之復明人以爲孝感

志周

龍欲圓豐樂鄉人父早故諸弟析居家漸落欲圓獨  
力養母左右承歡者數十年母沒喪事費甚鉅有責  
諸弟相助者欲圓曰生養死葬皆吾分內事何忍親  
沒累吾弟也聞其言者皆敬佩同鄉張台衡三歲而  
孤母撫之成立台衡侍養得歡心母沒喪葬盡禮里

中以孝稱

周志

廖明卿豐樂鄉人幼讀書篤志倫常家貧親老棄筆硯日侍奉養無或左右離乾隆丁亥盜寇犯縣所過遭搶掠被姦淫者慘難名狀警急時明卿棄妻子財物負親逃至中途四面賊逼近倏雷雨大作煙霧迷離咫尺不能辨遂脫於難

李任長豐樂鄉人父故母憂甚朝夕減餐任長患之百計承歡食則伺母嗜味爲奉養出必懷物遺母皆如性情所好尙者母喜憂乃釋一日與人論不平事氣暴甚旁觀慮其構衅走白其母母至卽瞿然退笑曰此真兒戲耳母笑而去然任長自此斂容及母沒

安化縣志

卷二十四

孝友

三十五

終其身與世無相攘事

廖章蘇字策臣豐樂鄉江家衝人母賀氏素畏雷食時聞聲杯箸俱下或閉戶戰兢或掩耳惶恐其性然也章蘇十歲後每值陰雨依母未嘗左右離聲震時輒以身翼母母沒聞雷必趨臥墓旁聲息乃去

李高瑚字重器豐樂鄉界新區人父早故日依母側竭力承歡業醫診視在數十里內常冒風雨匍匐歸家急定省也遠者輒以親老辭及母命之往訂歸期預備甘旨囑家人乃去隨身藥餌道聞人疾病悉給之并不費人雞黍及期母或倚閭望曰吾兒今日歸言罷頃之高瑚至故母在行醫數十年屈指歸期無

或爽者

李志善弟志勃一都長樂人父步武邑諸生順治十二年三月流寇入境縛其父勒賄時志善年十六志勃年十四號跪賊前哀告家窘賊轉詰富室匿所步武罵不輟口遂遇害志善兄弟奮不顧身奪賊刃殺賊數人死之至今稱雙孝子同治四年旌冊採

王平政字光華一都人六歲失恃終日泣墓所奉繼母婉愉承志友愛諸弟讓居推產平政行己端方而待人和光可挹篤好施與遇歲荒爲粥於路以食餓者卒年八十次子洪仁克肖父行縣令朱永輝以鄉

邦儀表額其門志府

安化縣志

卷二十四

孝友

三十六

王平珍字子瑞一都百花臺人生有至性穉齒如成人祖信登鍾愛之甫六齡患河魚疾不起信登欲勿殤次晚未蓋棺有客踵門投宿貌甚古衣亦粗陋信登延之入客匝棺相曰症可醫信登以爲謬客強抱之出取艾炙其臍咯咯有聲投以丸疾若失乃寢客於精室明日伺之扃如故而客杳矣平珍長博覽強記由邑庠入京肄業國子監授縣丞以親老乞假歸養與弟平璣平珩朝夕侍親所爲孺子戲親沒哀毀柴立終喪未嘗見齒每歲除夕設祭兄弟相向哭各失聲婢僕皆爲下淚富甲一鄉起居如寒素而鄰佃賴以舉火者甚眾尤愛培養士氣置試館於星沙族

中學者咸得寓期至大宴於家備資斧買舟以送嘗策馬過要溪橋馬逸不能止回顧之橋已傾矣解金復修又江北鶴齡驕亦平珍修也平珍狀魁梧偶至城市觀者如堵而謙懷雅量邑人咸敬愛之子仁桂

自有傳

府志 周志  
王氏家譜

蕭任仁字若士一都田頭人生四月而母李氏故依外祖家鞠養稍長事繼母黃甚謹兄弟四人友愛無間鄰里無告者輒調卹之鞭石砌橋於本境迄今猶呼若士橋卒年七十

府志

李志選一都長樂人狀貌奇偉慨慷有義聲嘗救人於溺終身不舉以告人是其隱德也孝友純篤庭無

安化縣志

卷二十四

孝友

三十七

閒言其孫代鵬代鵠友愛出於天性代鵬病代鵠請以身代及代鵬卒代鵠督姪發月力學較子更嚴相傳孝友一家

周志

黃士誠一都人性孝友兄弟五士誠居長父臨終以白金百六十兩付之曰我勤儉積此毫不妄用留防荒歉汝宜秘守勿令諸弟知之經二十餘年歲大饑士誠呼眾兄弟子姪啟父遺金流淚不輟計口分給咸得保全

周志

黃甯綬字榮膺一都南華山人幼失怙事母張氏孝心懇摯母病躬湯藥晝夜無倦容浣濯巾裙不委他手居喪哀毀盡禮族黨稱之無閒言於後人常以存

心術謹言行爲訓卒年八十四孫時發隸縣學周志

劉瀛字伯宗一都小淹人邑諸生甫四齡母王氏故瀛事繼母蕭愛敬兼至蕭亦愛如所生瀛富而好義慨慷急公捐貲不少齊周志

李代行字爲表一都長樂人父永圖字勝徵性純篤品端行方待師長情文兼盡代行承父訓績學能文雍容魚雅隸縣學爲增廣生員父素抱微疴代行就養無方侍湯藥不倦里有延館者雖重聘不往與兄代用友于甚篤怡怡一堂鄉黨矜式代行同輩有代靖字世泰與代行居同里父早故持齋報母朝夕叩天以祈母壽十餘年不替卒年九十又有上馬人代

安化縣志

卷二十四

孝友

三十八

祥邑諸生立品端嚴爲鄉里模範居父母喪三年不入寢室兄弟七人無幾微閒俱勉以務正道勤本業卒之日有詩七首以示諸弟周志

黃甯湯一都河曲人性樸誠友于甚摯先遺產半屬礮确甯湯率弟耕勞瘁獨任弟頗逸豫勗兄甯振學衣服飲食無一闕如而已之喫苦非所計及甯振補弟子員課子姪輩亦如之猶子明懇食餼明閑舉於鄉甯湯之力也卒年九十有二其孫時瓊亦隸於學甯湯行輩甯祿字文英渣里新屋灣人居家戒浮澆崇本業有長者聲兄弟五甯祿居季亦友愛一堂里

巷無私議周志

蕭學發字連元一都田頭人父早逝母陶氏身弱氣滿凡飲食起居必親調侍每至月餘不寢母沒後一言及母輒泣下至老皆然乾隆戊戌己巳歲凶學發爲粥於路并施糶以瘞道殣生平好直言里人以直翁呼之同里蕭學典字異三善事節母王與學發并以孝行顯學發子琦學典孫香并隸於學

周志

黃甯篆字輝生一都龍塘人雙親早故兄守先踵而逝遺一子明玉兄嫂夏氏矢志不再家甚窘儲無儻石甯篆因不自昏爲明玉聘張氏撫養之僦居桃源縣白石村自力於農備嘗艱苦明玉稍長與叔父共操作家稍起生子時疇而夏氏卒甯篆哭之甚哀未

安化縣志

卷二十四

孝友

三十九

幾明玉卒張氏守節撫孤零丁孤苦惟甯篆是賴時年已六旬餘村人欺其老橫逆數數加甯篆慨然曰蛇蝎之鄉不可久居謀歸桑梓購基於本都柳林臺往來安桃兩邑拮据數載俾立室家遷甫七日而卒甯篆撫兩世孤兒始終一轍其篤友于誼如此而天道則無知矣

採冊

蕭學軾字又占一都田頭人幼隨父入蜀值歲凶父病垂危泣囑歸葬父沒囊橐蕭然學軾年甫十三日夜號泣匍匐數千里扶櫬而歸嘗自山西歸有客同舟挾重貲舟子涎之畏學軾勇不卽發學軾卒迂道護送二百餘里乃別學軾後徙益陽盡以產業予族

之貧者其仗義如此

周志探冊

蕭學洋字一江一都田頭人性孝友父早逝兄弟三人亡其二學洋吞聲忍氣坐臥不安母葉氏憂憤成疾學洋躬侍湯藥日夜不離者數年一日母忽起疾若失飲食動履皆復初若有神助人以爲孝心所感後母年逾九十學洋亦八十有五

周志

黃琮字泰臨一都龍塘人母早逝年十四父繼逝繼母生子良甫九月琮撐持門戶年少而老成事繼母左右承顏無頃刻拂撫弟良愛若同胞諄諄送良學良學垂成縣試獲首選與琮子時洋同隸於學琮性剛直里有詬誶聲琮至則解罔不心折晚年季子洲

安化縣志

卷二十四

孝友

四十

亦補弟子員

周志

黃明渾字質夫一都河曲人弟明閑幼慧絕默誦六經十二歲補弟子員父甯振器之父卒家甚窘明渾備斧資送明閑遊嶽麓策之曰弟少不更事一衿自畫奚以慰父望於九京明閑體兄意發憤爲雄矢與脈望老以齒嚙書案自懲比明閑登賢書明渾喜曰吾事畢矣明渾爲人樸直寡言笑卒年九十五派環聚黃氏之居河曲東庄者有明鑰明哲明智三人皆明渾行輩也明鑰字體仁能成人美濟人急兄明鏡早世兄似陶誓守志苦無依鑰以次子時溥承厥嗣送讀慤慤與子時浩并隸於學明哲字穎才狀貌魁

梧於綱常事慷慨敢言昆季五四弟明揮敦古處無奢靡習明智字亮才性公直人不敢以私千兄弟三季弟音早逝有子時章字士儀幼精敏諳曉六經明智珍愛之時章後徙梧桐溪嘗出貲以平諍卹孤寒隆禮師長有義聲雙親俱故事伯父母如父母兄弟析產多推讓子崇錫補增廣生員孫德備爲邑諸生類皆墳簞迭奏怡怡綠野終其身無纖芥嫌

周志

王仁和字以清一都人乾隆庚申歲貢三齡失恃繼母亦相繼而亡父平啟不事生業攜幼弟往川仁和泣留不可家產蕭索仁和晝耕夜讀稍成立嚙指血作書迎父歸仁和旋隸縣學食廩餼色養無缺父亦

安化縣志

卷二十四

孝友

四十一

感悟

周志

劉祿星字慶雲一都邊江人性恬澹家零落父母俱存一身子立負薪養親母病足服事滌滌不少懈艱苦備嘗歷數年如一日與人剖是非無兩歧語朝饗夕殮苦不給而一介不苟取於人凡有便於人之事力所能逮靡不優爲卒年九十

周志

王仁桂字榮五一都百花臺人國子生弟朝仁字友松兄弟同就傅貌絕類師友幾莫辨父平珍卒仁桂主家政善事嫡母劉諄諄課弟讀星沙試館父所置期至仁桂買舟約族中子弟使與弟同寓公其貲用將發棹餞以席殷殷以弟囑承父志也仁桂自安樸

素嘗爲弟製新衣朝仁見兄衣舊亦卻不御必依樣製一襲視兄御乃御兄弟同堂聚首終身無私議朝仁病仁桂顛天請代及仁桂卒朝仁日夜飲泣不週歲而卒子各五均有聲庠序數十年同居同爨不改

其家風

周志

王佐字廷相一都百花臺人國學生善事繼母廖廖性端嚴佐年艾耆聞呵叱聲必趨進拱立色慰乃退嘗曰盜穿竇入發聲卻走俟其出徐塞之或詰以不禽佐曰吾未有失彼且徒勞禽之何忍又薄暮歸途遇虎咫尺不爲患佐弱冠績學能文章與族兄仁全廣文同硯後從之遊月餘遂終身執師事禮甚恪士

安化縣志

卷二十四

孝友

四十二

林服之子崇錫字洛書性循謹稱端慤士

周志

王氏家譜

王

黃時介字蓋常一都新屋灣人六歲而孤母志見奪家赤貧時介遂廢讀與妻王氏耕織作苦自奉不給而甘旨遠遺絡繹不絕且數迎母以養母適劉有二子非素封家至輒辭去時介每泣留并時郵劉弟母病時值採茗遣妻侍湯藥時介日再往省母沒營齋子暴疾不問惟知禮佛報母有所識居遠無鄰舉家染疫同里戒勿往時介屢踵門私候與人談莫非孝友耕讀語時介同輩有時賢字國幹河曲東庄人績學能文教子弟善淪啟尤善事二人父病侍湯藥不假人手亦以孝德顯於時

周志

賀志進一都阿坵人與弟志美友愛根於天性出入必偕飲食必讓自少至老綠野怡怡同堂共被後人不改其家風

周志

李發義字行宜一都長樂人邑諸生祖永旭字方旦廩生意氣豪邁才學兼優以孝友世其家父代理邑諸生發義幼承祖父訓性聰穎過目成誦在學五十八年足不履公庭親病侍湯藥衣不解帶沒後飲食必祝處兄弟式好無尤咸推爲膠庠之望發義伯仲發中字兩宜有正直聲好讀書教子弟善啟悟荷裁成者眾其居家亦克敦孝友云

周志

陶孝忠字兩如一都小淹人孝事孀母友愛諸弟一

安化縣志

卷二十四

孝友

四十三

堂之上怡怡如也孝忠性純厚接人溫和精岐黃術所活多人嘗貿漢襄間買藥施濟人多感之

周志

王燾字周兩一都大屋灣人遷居城西家貧躬執爨以養親雖酷暑不解析箸後燾僅有田四斗兄負債燾售之并出齒積金百餘兩代兄償胞姪某欠社穀二百數十石追甚迫父憂之燾稱貸不敷有執友素器燾典己田以湊其數燾乃爲姪彌補以慰親心親之故舊賓客至其家不計有無欸留優渥末年家稍裕淡泊自甘殷勤課讀子若孫多有聲鬢序

周志

王昺字曉輪一都馬路橋人生有至性年十五隸縣學援例入貢父崇禮病昺顛神請以身代居喪廬墓

側地溼草寸斷弗知也逢生忌必斷葷蕪祭輒泣下  
撫二庶母弟視若同懷叔病親調湯藥衣不解帶者  
數十夜生平多隱德謙退不伐自書字聯云曉透人  
情須用恕輪該我事莫辭勞邑名宿咸服其雅量周志  
賀孝大字定周一都老山衝人國子生雙親蚤故祖  
母夙嬰重病常在牀褥孝大朝夕扶掖未嘗左右離  
閱數載不替凡事必稟命而行送弟孝元讀獨力撐  
持家政無貽孝元累而終歲出入不營纖芥私孝元  
字映唐邑諸生儀先正典型廉隅自植事兄極恭隅  
坐隨行少壯一轍門內無閒言子榮隸縣學周志  
黃時發字鼎臣一都南華山人縣諸生少篤於學爲

安化縣志

卷二十四

孝友

四十四

文輒驚其長老稍長敦品行束身規矩性最孝祖病  
醫者窮於術時發禱請身代父病禱如前皆獲瘳母  
年登耄耄齒盡落飲食親糜以進嚴冬則躬煖其衾  
伺母安睡而後寢蚤起代母著衣瑣碎無倦色母病  
日時發年既老脫髮露頂每自外歸必執母手以摩  
之母沒奄柩於堂值除夕同堂謀聚飲將布席時發  
對靈號泣不已內外數十人無不流涕席卽撤採冊  
陶必鑲行名排七一都小淹人年十四父以功名屯  
遭咤際若病狂一日步江濱夏水泛漲父薄岸立岸  
裂欲墮必鑲急援父臂力不勝遂同溺後得其屍猶  
堅持父臂弗脫

一統志

蕭依京字朝元一都田頭人性孝友二兄夫婦踵逝遺一孤雛甫二歲依京與妻李氏提攜撫養較待子更摯常言吾有子四姪一而已甯負子無負姪至今子孫繁盛皆其遺澤

周志

陶必全字尊五一都陳糧衝人母病垂危服藥無效必全割股和羹以進病少痊後母卒哀毀欲絕里稱爲孝子卒年八十八

周志

黃崇廣字令聞一都龍塘人性樸誠事親未嘗一日離側父母病終月不解衣病革焚香告天願以身代及親沒忌日必致祭祭輒流涕有丐者負老母行乞崇廣憐而問之丐者曰某三日不食猶健老母一日

安化縣志

卷二十四

孝友

四十五

不食憊矣廣曰嘻憊矣甚予之食居以土室令丐者種隙地而養焉丐者感憤不數年積有贏餘母亦溫飽丐者劉姓忘其名

周志

蔡用秀字書升一都敷溪人怙恃早逝伯仲四用秀居季同堂聚首愛若孩提家赤貧茹苦嗜學親師信友情誼之厚根於至性後以筆代耕善瀹啟後進所得館俸纖芥無私積未幾三兄踵而逝用秀心常怏怏飲泣不輟年五十四忽整衣冠而逝

周志

王可梓字周規一都江南人雙親早故可梓髫齡卽知喪禮哀痛之忱自然中節兄弟四伯仲季夫婦踵而逝可梓營斂殯妥窀穸備極周詳數年飲泣不輟

仲子長三齡次週歲零丁孤苦可梓與妻黃氏提攜  
教誨較待子更摯篤好斯文遇文學士有加禮至其  
家輒閉關投轄款洽盡歡士林重之

周志

王可遵字循英一都江南人事親孝謹色養兼至父  
殿詔命理莊地歸依膝下弗忍離父母沒可遵年近  
七旬致毀盡哀三年未嘗啟齒逢生忌必斷葷遇時  
物及所嗜泣以薦終其身不忍一日忘親也生平檢  
身不及日誦關聖真經以自警每整衣冠危坐紳士  
過門敬憚之子育深隸縣學

周志

譚光德字公裕一都土通溪人弟光顯有子六光德  
妻郭氏無出光顯勸兄納妾光德曰姪猶子也有六

安化縣志

卷二十四

孝友

四十六

姪吾不獨矣吾與弟努力撫之兄弟同居無私議光  
德夫婦沒諸姪盡哀盡禮如喪父母然

周志

譚世儒字如山一都土通溪人兄弟三世儒行一先  
遺薄產苦不給世儒因不自昏二弟世俊幼英敏世  
儒送之讀世俊故世儒慟甚乃爲季弟世傑娶閔氏  
曰弟有子不得謂吾無後矣季弟踵而逝弟婦無出  
世儒不得已而後自娶其篤同胞誼如此

周志

劉洪浩字自華一都上馬人母早故事父以孝稱嘉  
慶壬申疫大作父染其症百醫罔效氣息奄奄洪浩  
泣禱諸神每夜長跪不起忽夢一人曰爾父之病惟  
我能治洪浩夢中急請醫之詢其姓氏里居曰我海

上神也爲爾孝心所感騰駕而來寤後祝禱父病不日卽瘳

李興恆字健四一都滔溪人事親有至性侍父病半年未嘗解衣寢病革嘗糞以驗父沒勺水不入口三日始歿粥執紼中途匱似汗滴滴垂珠興恆號跪飮之漏處并無痕蓋天之所以顯其孝也後事母暑月驅蚊扇枕簞隆冬躬自溫其衾偶與人詬詈母呼卽止色復霽嘗外出飢甚市一梨食及脣而止同行者詰之興恆曰此果初熟老母未嘗新人子何忍先食遂懷梨而歸同治四年旌爲孝子子八隸縣學者四人興恆沒後爲城隍有異徵見雜說

安化縣志

卷二十四

孝友

四十七

陳應翰一都陳家灣人幼孤事母頃步不離左右弱冠時母寢疾羣醫措手無策應翰焚香告天願減己壽以代母病垂危引刀割股和蕩以進母沒廬墓三年早晚號泣母性善怯值風雨晦明猿啼虎嘯必伏母墳曰兒在此母勿驚同治四年旌其孝

楊德階一都小淹人父早故無子德階承其祀事母惟謹母有疾食思肉貧而無貲德階割股以進母疾卽瘳

李隆祥字慶錫一都長樂人事母何善承色笑時學嬰兒狀母末年病反胃隆祥侍側含淚惟恐母知百計求療病如故隆祥日夜泣禱諸神願減己算以益

母壽漸至食不下咽遂割左股肉治湯以進卒爲肫誠所格母得進食

丁忠國字邦彥一都柞木溪人年方十三母病家無餘貲割左股調羹以進病尋愈忠國隱其事後數十年間有知者問之流涕而不言

黃德墀字克用一都龍塘人父幕遊頻年客外德墀未獲就傅而天性最真家貧母氏劉身羸氣滿德墀潦倒萬狀湯藥未嘗離咸豐丙辰新正初母更內飽外腫坐臥難安德墀每夜泣禱諸神不效至三月初八夜長跪不起割左肱肉以進母得少安見者聞者靡不惻然流涕

按德墀事詩讚約百餘篇錄長沙委

安化縣志

卷二十四

孝友

四十八

英奇真聖賢相傳祇心倪性古梅奇法千學問慟母不非所疑傷至孝無雙咸起敬里南河西蜀趨庭依計剝膚無形英雄懷抱在萬里就傳樂趨儀型高孺慕視無形英雄懷抱在萬里就傳樂趨儀型高堂日耀私中萱色夕膳晨羞馨且潔方顧瞻節異平耿耿烏私中萱色夕膳晨羞馨且潔方顧瞻節異平長顛天操刀快鮮不割朽粉榆色駭鬼神驚吉人天誠非偶君不見古來王貓頭并出豚魚尾此來供盤孟宗哭竹動草木匹夫奇創門內非關念友相陶甄至性所化流最真摯孩提愛敬人內識念胥完赤子心隻手獨樹奇談今側聞瑰奇生彼層山靈秀擷扶輿得親耆舊談今側聞瑰奇生彼層王郎拔劍以愚生意訾議於戲忠臣義士本難成孰維字人詎得神明紆青拖紫幾

李隆瑛字幹藻一都長樂人父故讀父遺書輒撫膺長嘆淚垂垂如雨下祖母龍鍾潦倒左右扶掖瞬息

不離事旌節母飲食必親嘗以進澣濯巾裙不委婢  
僕於本生母亦然隆瑛性端慤寡言笑及侍親側承  
顏奉色能得親歡同治四年旌爲孝子

蕭忠託字慶朋一都田頭人少失恃繼母王氏生子  
三忠託待弟若同懷事母善承色笑母獨鍾愛之視  
所生情誼反不屬母寢疾忠託晝夜焦勞不遑假寐  
凡附身附棺有未備者母獨命忠託葢其成忠託盡  
誠盡信製極精美病革忠託復母命一一持於榻前  
母見之大悅面呼孝子者三母卒忠託哀毀滅性弔  
者惻然

黃德準字坦堂一都紫黃坪人母張氏早寡德準十

安化縣志

卷二十四

孝友

四十九

六歲過繼事之如生母凡一切飲食起居必親侍左  
右母病躬湯藥未嘗頃刻離五六年如一日病篤嘗  
糞以驗甘苦人以爲難

王均字準衡號平宇一都人恩貢生遷居城西家貧  
事親孝謹竭力承顏居喪三載不飲酒不茹葷弟早  
故哭之甚哀字姪過於己子爲學講求性理每讀張  
子西銘不得其解激病咯血後遂淹通性理一書宿  
儒多折衷之主講崇文書院四年非公事不見邑宰  
紳士多出其門今其子孫累代接武入庠

夏汝英字百魁二都人生有至性順治初吳逆兵竄  
境掠至汝英家汝英時方九歲挺身衛母不離左右

賊捨其母而擄汝英行至中途汝英以母孤苦無依  
哀告賊首情詞悻惻賊憐之釋歸周志

夏思昊字白生二都人少喪父事母色養無違撫三  
幼弟教讀完娶後三弟四姪接踵入庠序奉思昊家  
訓四世同居鄉里式焉思昊年八十卒府志

王璜修字玉珩二都人孝友根於至性家甚窘值流  
寇入境擄其弟璠修去其父愛少子情切有田二十  
畝矚俟其歸授之父沒璠修果歸璜修與兄琮修遵  
命不違璠修不受固與之後家稍起每鞭石爲橋闢  
蠶叢爲孔道璜修葺其事襄金甚夥康熙間食如玉  
璜修出穀賑之鄉里稱惠卒年八十周志

安化縣志

卷二十四

孝友

五十

王大愷字師周二都人縣學生生有摯性年甫四齡  
父故撫父遺物輒啜泣不食事孀母朝夕侍側笑語  
如嬰兒母沒葬祭如禮一言及母撫膺長嘆哽咽不  
能言嘗往江西省墓二次奔走千里不避艱辛立碣

繪圖示族人以無忘根本

採冊

王成圭字德章二都人國子生父大鐸邑諸生成圭  
甫三齡而大鐸卒伯兄成濤教育之成濤卒成圭年  
十一哭之甚哀感傷行路作詩曰髫年不解哭亡兄  
默對琴書淚自傾徒倚岡頭頻眺望棠華月上又斜  
橫與仲兄成上友愛真摯終其身無違言周志

瞿業任字希元二都人乾隆五十年府學歲貢生性

孝而友父母沒喪葬盡禮生忌日必悲泣篤愛季弟  
迥逾尋常有楊某父瞽而負質弟於富家出金贖之  
業任學問淵深選會同訓導未任而卒

周志

王成講字明經二都人父沒事母趙氏愛敬兼摯母  
衰憊成講與妻夏氏日禱諸神以祈母壽遣妻宿母  
所晝夜問候無倦容十餘年如一轍母沒夫婦哀毀  
盡禮弔者無不流涕兄弟三成講居季皓首無閒言

周志

王文楷字晉傳二都人嗜學不倦工楷書進止雍閑  
言貌循循如不逮性孝友父卒進盥送宿事之如生  
期年不懈事繼母委曲承順得其歡心有弟二愛如

安化縣志

卷二十四

孝友

五十一

拱璧弟病文楷年已老朝夕進藥時隕泣曰吾恨不  
能以身代弟人以爲有灼艾分痛之心

周志

李以卓二都人母早故侍父不離左右有疾父飯亦  
飯季弟夫婦踵而逝三子皆幼撫養如己出生平輕  
財好義有德於人不求人知遇里中貧窘不時賑貸  
羅山界黃泥界係安武通衢數爲補砌行人利之同  
都李以位國子生父標璧樂善好周恤待人忠且信  
與妻聶氏同躋耄耄年以位竭力承顏數十年無稍  
違親意年既老孺慕之忱彌篤都人咸以孝稱之

周志

楊應慈字斗華二都人性最孝父早故朝夕侍母側  
未嘗片刻離伺母意所在委曲承順無稍拂母性好

施與一啟口必諾有與無不計也諾後必踐無少慳  
本境塘灣義渡遵其遺命捐金最多其族有厚瑛字  
映輝同都人亦以孝德顯母病斷葷藥六年母愈爲  
父祈壽又斷葷藥六年夜夢神示以八十五歲終後  
果如其數

周志

夏益謨字定菴二都人性純孝父裕居益陽別墅日  
夕以病聞益謨黑夜往省隻身而行過石橋遇一物  
長丈許形恍如獅橫橋而臥益謨忙甚跨而過回視  
忽不見母王氏性嗜魚夜深往捕方舉網見一虎渡  
厲聲曰毋驚我魚致誤我養虎掉尾去人以爲孝感  
王志清字冰如二都人增生本生父諤監生諤兄漈

安化縣志

卷二十四

孝友

五十二

以生早故無嗣志清兄弟五父命承漈祀家素封志  
清應得半析箸時篤念同胞食指殷鬪爲五兄弟各  
得一而於本生父母養葬之費志清仍與兄弟均後  
志清子姓日繁用頗不支志清不萌悔心兄弟終身  
無幾微閒晚年館里中遇寒素士助以資斧相與造  
就咸豐年間清釐糧務襄辦捐輸知縣謝廷榮器重  
之

夏德孚字文作二都人誼篤友于與弟同被十餘年  
弟卒字姪如子飲食教誨無歧見不數年姪亦故遺  
姪孫一呱呱待哺德孚復鞠養之是時家運式微田  
廬蕭索德孚極力經營擇師送之讀完昏以後又爲

建大廈創膏腴人謂其友愛之情及於三世

羅鎮蕙字芳夏三都人性倜儻年十八適吳逆勒富民助餉逆將某擄其父去鎮蕙由間道走衡赴吳陳情父與諸受勒者俱得脫兩兄早故撫諸姪婚娶約族人以法數十年無興訟敗行者年七十三卒子六四入庠序府志

張尙欽三都巖底人兄故遺腹生子世淑尙欽教讀完娶無異己子世淑子孫發越皆尙欽之力尙欽年八十餘猶矍鑠卒之日命家人鼓吹兒孫羅拜沐浴端坐而逝

張裔鴻三都巖底人邑諸生父大盛官新田教諭裔

安化縣志

卷二十四

孝友

五十三

鴻往省侍父饌父忽作哽噎狀裔鴻急起而摩其肩初不知父故爲而試之也裔鴻先家居受庭訓稍倦父撻至流血笑受之後值父怒投以杵乃出涕曰十數年來父之力衰矣父老矣猶以不孝故而勞之何以爲人子乎父亦感而泣子傳湘隸縣學孫合圭食廩餼能以孝友世其家周志

張裔崇字凝山三都巖底人國子生九歲失恃輒於無人處嚶嚶啜泣自少至老悲悼一轍偶與人談笑甚歡一言及母遂哽咽不能發聲嘗著憶母吟集讀之令人酸鼻子傳綱字鹿書以歲貢官桃源訓導庠序沐其教澤匾以多士楷模居平以孝友傳家五代

一堂同居共爨內外數十人不聞詬誶一語卒年九十世稱盛德子合琿食餼於庠傳綱之弟傳纁字雯鈺廩生父卒事母盛惟謹年五十七病革死而復蘇呼子授筆墨書句云何事匆匆赴九原尙留老母在堂前扶持躄踊在兩子無使孤魂陟屺瞻周志

廖安俸字萬鍾三都廖家坊人少孤事母委曲承歡戒其弟安仕曰承先啟後在我兩人當各自樹立毋隕家聲相與友愛一堂朝夕刻勵嘗讀書興嘆謂人能顯親揚名纔算得孝我輩碌碌無以對先人卽無以貽後嗣其存心如此周志採冊安俸四子邦直字司諫

性樸誠讀書厄陽九邦直同輩邦英字勝萬性耿介

安化縣志

卷二十四

孝友

五十四

訓子有義方均能以孝友世其家邦英子國清隸縣學周志

謝有鵬字北友三都西洲人母宋氏年八十九終時鵬年六十有五哀毀骨立幾乎滅性卜葬本都白沙溪楊四灣深山古木寂無居人有鵬廬墓三載朝夕誦佛經有盜將肆竊窺其廬意憐之大呼曰孝子且安之某將徧告吾儕小人再不來此矣嘗有野狐繞廬不去周志

吳榮琮字世珍三都東坪人國子生早孤兄弟三齒居季事二人惟謹居無何仲兄故無子榮琮日夜飲泣至廢眠食兄嫂鄧氏誓守志苦無依榮琮長兄以

三子承其嗣一是教誨式穀皆仰賴於榮琮榮琮性樂周恤創橋路化爭端襄貲甚夥長子讓錦三子大讓邑諸生均克肖父行世稱孝友

周志

諶益恭字禮言三都人弟禮信析箸後家產蕩然益恭攜與同居衣服飲食無歧見禮信夫婦踵而逝益恭慟甚衾襯皆精美禮信女二爲之擇佳偶盛妝奩以嫁益恭爲人瀟灑善楷書兼工丹青晚歲好遊覽足跡徧名勝年八十有二卒子衡孫孝友俱隸於學益恭同輩益祈字咸若性和順事父母得其歡心兄弟六人一堂雍睦卒年八十子安中邑諸生爲宗族模範有父風安中伯仲行安理字鼎才母目瞽起居

安化縣志

卷二十四

孝友

五十五

出入皆安理扶掖自母病後數十年不外宿與妻林氏昏暮侍母所輒爲總角戲子鉞隸縣庠

周志

諶益高字柳橋三都西洲人讀書有文名少失恃事繼母左右就養惟謹兄弟四序居長言及析箸淚下如雨議分不決者久之後諸弟食指日繁不得已而各爨益高號哭月餘田產均作十股益高得一餘悉讓與諸弟子安魁字冠英事親進饌必視膳每夜必視寢甘旨未嘗一日缺雖典當亦如之親沒廬墓所朝夕哭聲不絕泣盡繼之以血以是成目疾有弟二愛之如璧嘗曰以飲食衣服之微易吾明倫之樂不可也兄弟終身無閒言

諶卿尊三都麻園人家初貧好周人急儲無儋石不計也中年遊湖湘間以賈致富交接知名士邑先達陶文毅澍羅文僖繞典陝西糧道黃德濂諸人皆器重之與弟廷尊壘箎唱和相得甚歡年既老子姪輩以食指日繁析箸而居而兄弟獨居一室同堂笑語愛若孩提嘉慶庚午廷尊年七旬陶文毅澍時在史館自京郵寄壽軸有曰兄弟怡怡白首無間紀實語也

龔侯四都人工文藝善歐書數試前矛未售性剛正不避權貴有豪俠之氣而事親孝謹朝夕承歡如不逮居親喪哀感路人幾乎滅性遵行文公喪禮廬墓

安化縣志

卷二十四

孝友

五十六

二年足不履私室生平遇貧窘樂賑卹沒後常降乩判人禍福不爽其族有啟章字步宛同都圭溪人幼敏達通經史文章清正率宗先輩事繼母誠款無僞與諸兄同堂聚首無幾微閒待子姪亦恩威交濟類皆以孝友見稱於宗族

周志

鄧天文字郁齋四都人事親承顏順志能得歡心以孝謹聞待弟天人友愛無間至族黨紛爭天文一言而決無不信服

府志

其族有漆社字伊川亦事親孝敬

色養無違年躋耄耄品端行正鄉里式之

周志

龔勝凡四都人友于甚篤兄弟析產先擇瘠土居之膏腴悉讓兄弟兄弟互相讓勝凡執不受後與妻共

操作卒歲勤苦不萌悔心年八十有五卒同都彭正儀彭海鰲亦善處兄弟正儀性純正遇卑賤無疾言遽色嘗以醫術濟人不受謝友愛諸昆皓首無間卒年八十有九海鰲事親孝父沒後凡事必諮於兄恭兄至老不替訓課子姪以耕讀爲本類皆怡怡綠野兄弟終日無纖芥嫌周志

鄧延韓四都馬轡市人六歲失怙事節母夏惟謹母教子嚴嘗叱跪終日或撻之流血延韓起敬起孝時復破涕爲歡母偶病輒號泣不食百計求醫有弟朝而甘旨之奉延韓獨任之與弟友愛情眞皓首無私議孫仁壽隸於學爲增廣生員

龔元鑑字立中四都人國學生早孤事孀母善承色笑左右未嘗離撫弟元棟擇師送讀不以瑣屑紛其神元棟補弟子員猶未與聞家政兄弟怡怡無纖芥隙鄉黨咸以孝友稱之

鄧延良字邦貞四都人弱冠失怙弟四均少不更事延良擇師課讀各爲完昏俾立家室獨力摒擋家政四十年不營織芥私析箸後延良卒延讓哭兄甚哀字姪如子未幾延良子踵而逝遺一黃口孤兒延讓教養兼摯代理家政十餘年如延良之撫己也人謂其兄弟友愛之情生死一轍

夏重嶽五都人孝事雙親年近六旬父母年登八十

定省問視必親二子請代弗許周志

夏廷輝五都人性友愛少失怙恃攜兩弟徙居完娶備歷艱辛弟偶參商輒悶坐涕泣閉戶自撾弟欲析居膏腴產隨弟意遴選不與爭執每有嘉肴旨酒必呼弟共嘗弟感其誠復聚處如故孫聲隸縣學周志

夏良徹字其實五都人早孤鞠於寡母張氏稍長事母承順維虔家甚窘自奉蔬食不給而養極滋味每食必親嘗以進母病侍湯藥未嘗解衣寢母終哀感路人葬祭一遵乎禮性嗜客每傾觴道故竟日夕不衰鄉有事良徹無所利嘗出貲以平之子迪隸縣學爲增廣生員

安化縣志

卷二十四

孝友

五十八

夏重冕五都人怙恃早失賴兄鞠以有成重冕有至性凡事必稟命於兄友于之情少壯一轍兄故字姪如子家初貧竭力爲姪完聚後以勤儉致富田產財物概與姪平分叔姪雍穆成風從未聞詬誶一語